



Paneeraq Olsen
Inatsisartunut ilaasortaq, Naleraq

Inunnik isumaginninnermi siunnersortit pillugit § 37 najoqqutaralugu apeqqutip nr. 017/2023-p akineqarnera

06-02-2023
Suliap nr. 2023 - 1641
Akt nr. 22288571

Asasara Paneeraq Olsen,

Postboks 1029
3900 Nuuk

Oqa.: +299 34 50 00
Email: ikin@nаноq.gl
www.nаноq.gl

Inatsisartut Suleriaasiat najoqqutaralugu apeqquteqaatinnut qjavunga. Ataani akussuteqassaanga.

Apeqqut 1: Inunnik isumaginnerminermut siunnersortit ilinniarsimasut Naalakkersuisut qanoq ilillutik amerlisarniarpaat?

Akissut: Suliffeqarnerup tamarmiusup sulisussanik ilinniarsimasunik pisariaqartitaanik isumaginnissinnaangornissaq Naalakkersuisut sulissutigaa.

Qaffasinnerusumik ilinniartitaanerit tamarmiusut ataanni, inunnik isumaginninnermi siunnersortinngorniarluni ilinniakkap immikkoortormi inissisimaffigisaani, ilinniakkamik naammassinnittartut amigaataapput. Ukiuni kingullerni ukioqatigiit ikinnerulersimanerat peqqutigalugu ilinniarnertuunngorlutik ilinniakkamik naammassinnittartut amerlassusaat apparisimapput. Inunnik isumaginninnermi siunnersortinngorniarnermik naammassinnittartut amerlisarneqarpata ilinniakkani allani amigateqarneq annertusarneqassaag.

Ilinniarnermik nutaamik aallartitsinnermut atatillugu siusinnerusukkut Ilinniarsimasat ilinniakkamut allamut nuussinnaanerinik periarfissaalernissaa misissorneqarpoq. Assersuutigalugu taamaaliornikkut isumaginninnermi siunnersortip ilinniartitsisutut ilinnialernissamini ilinniarsimasat ilinniakkamut allamut nuussinnaanerinik qulakkeerneqassamat.

Apeqqut 2: Naalakkersuisut kommunit, ilinniarfeqarfiit, Inunnik isumaginninnermut siunnersortit kattuffiat suliffeqarfiillu suleqatiseriniarpaat inunnik siunnersortit amerlinissaannik siunertalimmik suliniutinut?

Akissut: Ilisimatusarfik pillugu Inatsisartut inatsisaat nr. 12, 12. juni 2019-imeersumi § 23, imm. 5-imi aalajangersarneqarpoq ilinniakkamut aqqissuussinerup suliarinerani atuisut, ilinniagaqarfimmik aamma atorfinnik ilinniakkatigut atorfiniffiusinnaasunik misilittagaqartut paasisimasaqartullu, immikkoortortami aqutsisup akuutittassagai. Kommunit, kattuffiit allallu atuisunut ilaapput.

Apeqquut 3: Naalakkersuisut suliniuteqarniarnerlutik inunnik isumaginninnermut siunnersortit najugaq qimannagu ilinniarfiliornissamik?

Akissut: Najugaq qimannagu inunnik isumaginninnermi siunnersortinngorniarnermik pilersitsinissamat Naalakkersuisut maannakkut pilersaaruteqanngillat.

Inunnik isumaginninnerup ataani suliaqartut pisortani suliffeqartut Siunnersuinnermi ikiortitut ilinniakkamik (inuussutissarsiutinik ilinniartitsinertut qaffasitsigisoq) aamma ilinniagartuutut ilinniagaq isumaginninnerup iluani siunnersortitut ilinniakkamik (ilinniagartuutut ilinniakkatut qaffasitsigisoq) pikkorissaanertigut neqeroorfigineqarput.

Najugaq qimannagu inunnik isumaginninnermi siunnersortinngorniarnermik pilersitsinissaq pillugu oqaloqatigiinnissaq Naalakkersuisut ammaffigaat.

Apeqquut 3a: Periarfissaalissappat illoqarfimmi ataatsimi ilinniarsinnaasunik 15-inik ilinniartulimmi qanoq akeqassava?

Akissut: Piffissap sivikitsup iluani kisitsisit eqqortut pissarsiarineqarsinnaasimanngillat. Ilinniakkami allami misilittakkat takutippaat najugaq qimannagu ilinniakkamut ukiumut aningaasartuutit 1,5 aamma 2,5 mio. kr.-t akornanniissinnaasut missiliussagaat, imaalluni najugaq qimannagu ilinniakkami ukiunik sisamanik sivilissuseqartumi 6-10 mio. kr.-ussasut.

Apeqquut 3b: Aningaasaliineq qanoq ingerlanneqassava?

Akissut: Pilersitsisoqassagaluarpas tamanna isummerfigineqartussaassaaq.

Apeqquut 3c: Suliffeqarfiit ilinniarfimmi ilinniartuuteqarunik akileeqaataasassappat?

Akissut: Ilinniakkamik pilersitsisoqassagaluarpas aningaasaleeqataasinnaanissamik periarfissaq naliliiffineqartariaqarpoq.

Apeqquut 3d: Suliffeqarfiit akiliissagunik ilinniartumut ataatsimut qanoq akiliinissartik naatsorsuutigissavaa?

Akissut: 3c-mut akissut takuuk.

Inussiarnersumik


Peter Olsen